

第五三一冊

博物彙編

草木典

草木總部

草部

木部

葉部

花部

(卷)

一一二

三四

五八

九

一〇一二

古今圖書集成

中華書局影印

古今圖書集成
目錄

卷一百一十五

古今圖書集成

中華書局影印

欽定古今圖書集成博物彙編草木典

第一卷目錄

草木總部彙考一

上古 太昊伏羲氏一則 炎帝神農氏一則
黃帝軒轅氏一則

有虞氏 虞舜一則

夏后氏 禹一則

周 總一則

漢 總一則 文帝一則 景帝一則

後漢 總一則

魏 總一則

晉 元帝建武一則

宋 總一則

梁 武帝天監一則

北魏 高祖太和一則

北齊 顯祖天保一則

隋 高祖開皇一則

唐 太宗貞觀一則 僖宗建中一則

遼 道宗壽隆一則

宋 總一則 真宗大中祥符一則

金 章宗明昌一則

元 世祖中統二則 至元一則 成宗大德五則 武宗至大則 仁宗皇慶一則 延祐一則 泰定帝泰定一則 文宗天曆一則

明 太祖洪武二則 成祖永樂三則 宣宗宣德一則 英宗正統一則 憲宗成化二則 孝宗弘治三則 世宗嘉靖四則

皇清 順治一則

草木總部彙考二

禮記 月令

素問 六節藏象論

山海經 南山經 西山經 北山經 東山經

汲冢周書 時訓解

管子 地員

柳宿圖

史記 天官書

揚雄方言 雜釋草木

郭橐駝種樹書 木 桑 竹 果 穀 麥 菜

范成大桂海草木志 全

蔡元度毛詩名物解 草木總解

草木典第一卷

草木總部彙考一

上古

太昊伏羲氏命栗陸爲水龍氏繁滋草木

按史記補三皇本紀不載 按通鑑前編云云

炎帝神農氏始辨草木之性

按史記補三皇本紀炎帝神農氏作蜡祭以藉鞭鞭

草木始嘗百草始有醫藥

按路史炎帝神農氏磨辰鞭芡察色鯢嘗草木而正

名之審其平毒旌其燥寒察其畏惡辨其臣使釐而

三之以養其性命而治病一日之間而七十毒極含

氣也病正四百藥正三百六十有五著其本草過數

乃亂乃立方書 按前編一日遇七十毒神而化之乃

姑附之以 備參考 作方書云云較此極含氣也爲明顯

黃帝軒轅氏時播草木

按史記五帝本紀黃帝順天地之紀幽明之占死生

之說存亡之難時播百穀草木

按路史黃帝有熊氏命柏常審乎地利以爲常平於

是地獻草木乃述耕種之利觀聲翟草木之花染爲

文章以明上下之衰

有虞氏

虞舜命益爲虞以若草木

按書經舜典帝曰疇若予上下草木鳥獸食曰益哉

帝曰俞咨益汝作朕虞

按史記五帝本紀舜曰誰能馴予上下草木鳥獸皆

曰益可于是以益爲朕虞

按路史益爲公虞若於上下草木鳥獸佑之朱虎熊

羆而物蕃衍

夏后氏

禹平水土別草木之等

按書經禹貢禹敷土隨山刊木奠高山大川

隨行山林斬木通道

兗州厥草惟繇厥木惟條

繇 繇條條長也 繇是茂之貌條是長之體言草

茂而木長也九州惟此州與徐揚三州言草木者

三州偏宜之也宜草木則地美矣而田非上者爲

土下濕故也

徐州草木漸包

漸進長包叢生注漸草之相包裹也包叢生也

馬云相包裹也疏易漸卦彖云漸進也釋言云苞

稂也孫炎曰物叢生曰苞齊人名曰稂郭璞曰今

人呼叢級者為稂漸包謂長進叢生言其美也傳華

漸言其日進於茂而不已也包言其叢生而積也

揚州厥草惟夭厥木惟喬

傳少長曰夭喬高也疏夭是少長之貌詩曰桃之

夭夭是也喬高釋詁文詩曰南有喬木是也全大王

氏炎曰南方地暖故草木皆少長而木多上疎河

朔地寒雖合抱之木不能高也林氏曰兌徐揚

三州最居東南下流其地卑濕沮洳洪水為患草

木不得其生至是或繇或條或夭或喬而或漸包

故於三州特言之以見水土平草木亦得遂其性

也

按路史帝禹周行天下主名山川以利於民山川理

脉土地所宜風氣所生畢究其政草木企走蜚動蟲

魚俾益疏之以為岳瀆山海二經乃商九州之高下

相其原隰及山川之便利九州之土有常而物有次

五沃之土五粟為長五臭所毓凡彼草木有十二衰

周

周大宰九職園圃主毓草木司徒以土會辨五地之

植物以土宜辨十有二土之草木又設載師閭師梓

氏之屬以分掌草木之事

按周禮天官大宰之職以九職任萬民二曰園圃毓

注樹果蔬曰園園其樊也疏此圖即載師所云場

圃任園地謂在田畔樹菜蔬果蔬者故云毓草木

也

地官大司徒之職以土會之灋辨五地之物生一曰

山林其植物宜阜物二曰川澤其植物宜膏物三曰

丘陵其植物宜叢物四曰墳衍其植物宜莢物五曰

原隰其植物宜叢物

注穀物李梅之屬莢物薺莢王棘之屬叢物荏葦

之屬鄭司農云植物根生之屬阜物柞栗之屬今

世間謂柞實為阜斗膏物謂楊柳之屬理致且白

如膏元謂膏當為藁字之誤也蓮莢之實有藁韜

疏薺莢即今人謂之早莢蓋誤云阜當言薺也棘

雖無莢蓋樹之枝葉與薺莢相類故并言之也柞

實之皮得染阜栗雖不得染阜其皮亦阜斗之類

故與柞同為阜物也膏當為藁者經云膏是脂膏

之膏與植物義無所取直是字誤故破從藁也蓮

莢之實有藁韜者以其是川澤所生故知是蓮莢

之實皆有外皮藁韜其實者也

以土宜之灋辨十有二土之名物以相民宅而知其

利害以毓草木以任土事

注毓生也

辨十有二壤之物而知其種以教稼穡樹藝

注詩云樹之榛栗又曰我藝黍稷藝猶時也

載師掌任土之灋以場圃任園地

注園樹果蔬之屬

閭師凡任民任圃以樹事貢草木

秋官柞氏下士八人徒二十人

義鄭康成曰柞除木之名除木者必先刊剝之

賈氏曰詩云載芟載柞芟是除草柞是除木陳

及之曰柞氏攻木薺氏攻草皆主苑囿之官

掌攻草木及林麓

鄭鐸曰攻如攻城之攻草木林麓根固蟠結不可

剷除則用力為尤多故曰攻賈氏曰柞氏攻木

兼云草者以攻木之處有草兼攻之易氏曰木

生于山而曰及林麓者林則積木者麓則山之足

也鄭鐸曰先王于草木設虞衡之官以作之固

欲其條暢碩大以備掄材之用於此又設柞氏以

攻之者嘗考皇矣之詩作之屏之其畱其翳修之

平之其灌其柵啓之辟之其樛其樛擗之剔之其

壓其柘則雖至美之材亦刊而除之以為居民之

地柞氏所攻殆是類歟王昭禹曰草木所生林

麓之地苟可宅民稼穡者大司徒固嘗辨十有二

土以相民宅矣辨十有二壤以知其種矣柞氏因

司徒之所辨者以攻治之而已

夏日至今刊陽木而火之冬日至今剝陰木而水之

鄭鐸曰攻之之法夏至日則刊陽木而令燔燎以

火冬至日則剝陰木而令浸漬以水木之生於山

南者為陽木夏日至則陽氣之極又况火之炎陽

乎於是時則刊陽木而火之彼將不勝乎陽而死

矣生於山北者為陰木冬至則陰之極又况水

之凝陰乎於是時則剝陰木而水之彼將不勝乎

陰而死矣蓋陰陽相濟則冲氣以為和此物之所

木言刊陰木言剝先儒以爲互言余以爲刊除也與隨山刊木之刊同陽木堅而難除故以刊言之剝剝也與易柔變剛之剝同陰木柔而易去故以剝言之刊剝者除草木而空其地或居民或作室未必欲爲耕種之地 劉執中曰山南之木曰陽

木者以其稟而生者陰氣之不足也山北之木曰陰木者以其稟而生者陽氣之不足也陽不足者水之則多沉陰不足者火之則多浮聖人以火養其沉者可使之浮焉以水養其浮者可使之沉焉

天官所謂百工飭化八材者抑其有餘以補其不足以輔相天地而成其化者也故輪人之職曰凡斬穀之道必矩其陰陽陽也者稟理而堅陰也者疏理而柔是故以火養其陰而齊諸陽則穀雖弊不蔽其杵氏之所職乎故攻草木及林麓者選材以資木工也夏至日陰生也則刊其陽木之陰以去其氣之不足者既伐然後以火養其所刊可以齊諸陽也冬至日陽生也則剝其陰木之陽以去其氣之不足者既斬然後以水養其所剝可使齊諸陰也 陳及之曰所謂仲冬斬陽木仲夏斬陰

木願其格令於民間使民知禁斧斤以時入山林則材木不可勝用也大要是而已若曰設虞衡以養蕃設柞氏以刊剝之則其細已甚且不勝其勞矣

若欲其化也則春秋變其水火 鄭康成曰化猶生也 鄭鏐曰若欲用爲耕地而冀其能化生嘉穀則於春秋之時變其冬夏所用之水火夏用火矣春則水之冬用水矣秋則火之

前日所用水火一切反易而變更之則水火相濟而其土和美自能化生嘉穀也 王氏曰其藁薄於陰陽相沴之氣化而爲土矣 凡攻木者掌其政令

鄭康成曰除木有時 鄭鏐曰木或當刊或當剝或宜水或宜火與夫春秋冬夏之時各有政令也 漢

漢初弛山澤之禁 按史記貨殖傳漢興海內爲一開關梁弛山澤之禁 孝文皇帝後六年天下旱蝗弛山澤 按史記文帝本紀云云

孝景皇帝中六年設東園主章專掌材木 按史記漢書景帝本紀俱不載 按漢書百官公卿表將作少府秦官景帝中六年更名將作大匠屬官有石庫東園主章左右前後中校七令丞 注如淳曰章謂大材也師古曰東園主章掌大材以供東園大匠也 又主章長丞

師古曰掌凡大木也 後漢 後漢以將作大匠掌木工井樹植之事 按後漢書百官志將作大匠一人二千石本注曰掌修作宗廟路寢宮室陵園水土之功井樹桐梓之類列於道側 魏

魏置材官校尉主天下材木事 按宋書百官志云云

晉 元帝建武元年七月丁未弛山澤之禁 按晉書元帝本紀云云

宋 宋設將作大匠材官將軍以掌主土木之役事 按宋書百官志將作大匠一人丞一人掌土木之役材官將軍一人司馬一人主工匠土木之事 梁

武帝天監七年詔開山林之禁 按梁書武帝本紀天監七年秋九月丁亥詔曰芻牧必往姬文垂則雉兔有刑姜宣致貶藪澤山林毓材是出斧斤之用比屋所資而頃世相承並加封固豈所謂與民同利惠茲黔首凡公家諸屯戍見封蠲者可悉開常禁 梁 魏

北魏 高祖太和六年八月庚子罷山澤之禁 按魏書高祖本紀云云

北齊 顯祖天保九年詔禁非時行火 按北齊書顯祖本紀九年春二月己丑詔限仲冬一月燎野不得他時行火損昆蟲草木 隋

高祖開皇元年三月戊子弛山澤之禁 按隋書高祖本紀云云

唐 太宗貞觀 年設工部虞部司苑及各監以分掌草木

按唐書太宗本紀不載 按百官志唐之官制太宗

定爲七百三十員工部掌城池土木之工役程式虞

部掌京都衙衛苑囿山澤草木及百官蕃客時蔬薪

炭每歲春以戶小兒戶婢仗內蒔種溉灌冬則謹其

蒙覆凡郊祠神壇五岳名山樵採芻牧皆有禁春夏

不伐木司苑典苑掌苑掌園苑蒔植蔬果熟進御

掌園掌種植蔬果上林署掌苑園池植果蔬以供

朝會祭祀及尚食諸司常料京都諸宮苑監各掌苑

內宮館園池禽魚果木將作監掌土木工匠之政百

工就谷庫谷斜谷大陰伊陽監各掌采伐材木

德宗建中四年詔罷天下竹木稅

按唐書德宗本紀建中四年十月戊申如奉天罷稅事不載

按食貨志初德宗納戶部侍郎趙贊議稅天下

茶漆竹木十取一以爲常平本錢及出奉天乃悼悔

下詔亟罷之

遼

道宗壽隆六年三月甲申弛朔州山林之禁

按遼史道宗本紀云云

宋

宋設工部及將作監以掌苑囿材木之事

按宋史職官志工部虞部郎中員外郎掌山澤苑囿

場冶之事 又按志將作監竹木務掌修諸路水運

材植及抽筭諸河商販竹木以給內外營造之用事

材場掌計度材物前期樸斲以給內外營造之用作

坊物料庫第三界掌儲積材物以備給用退材場掌

受京城內外退棄材木掄其長短有差其曲直中度

者以給營造餘備薪爨簾箔場掌抽筭竹木蒲葦以

供簾箔內外之用

眞宗大中祥符三年十二月辛酉謁玉清昭應宮已

已禁扈從人燔道路草木

按宋史眞宗本紀云云

金

章宗明昌三年禁勢力家固山澤利定竹葦歲額

按金史章宗本紀不載 按食貨志明昌三年論提

刑司禁勢力家不得固山澤之利又司竹監歲採入

破竹五十萬竿春秋兩次輪都水監備河防餘邊刀

笋皮等賣錢三千貫葦錢二千貫爲額

元

世祖中統二年五月丁亥弛諸路山澤之禁

按元史世祖本紀云云

中統三年申犯桑棗不稼之禁

按元史世祖本紀三年春正月辛未禁諸道戍兵及

勢家縱畜牧犯桑棗不稼夏四月庚子詔安輯徐郛

民禁征戍軍士及勢官毋縱畜牧傷其禾稼桑棗

至元十五年冬十月丁卯弛山場樵採之禁

按元史世祖本紀云云

成宗大德四年春正月甲戌弛山澤之禁

按元史成宗本紀云云

大德五年冬十月丙戌以歲饑弛山澤之禁

按元史成宗本紀云云

大德七年春正月己酉弛饑荒所在山澤河泊之禁

一年

按元史成宗本紀云云

大德八年春正月己未以災異詔弛山場河泊之禁

按元史成宗本紀云云

大德九年八月己卯以冀寧歲復不登弛山澤之禁

按元史成宗本紀云云

武宗至大二年春正月丙申詔天下弛山澤之禁

按元史武宗本紀云云

仁宗皇慶元年詔弛山澤之禁

按元史仁宗本紀皇慶元年秋七月癸巳保定眞定

河間民流不止命諸被災地並弛山澤之禁

延祐七年英宗即位瀋陽水旱害稼弛其山場河泊

之禁

按元史英宗本紀云云

泰定帝泰定三年十一月辛酉弛永平路山澤之禁

按元史泰定帝本紀云云

文宗天曆元年弛山場河澤之禁定竹木歲課

按元史文宗本紀天曆元年十二月戊午詔被兵郡

縣弛山場河澤之禁 按食貨志天曆元年歲課之

數竹木課腹裏木六百七十六錠一十五兩四錢額

外木七十三錠二十五兩三錢竹二錠四十兩額外

竹一千一百三錠二兩二錢江浙省額外竹木九千

三百五十五錠二十四兩江西省額外竹木五百九

十錠二十三兩三錢河南省竹二十六萬九千六百

九十五竿板木五萬八千六百條額外竹木一千七

百四十八錠三十兩一錢

明

太祖洪武十三年罷天下抽分竹木坊

按明會典云云

洪武二十六年定抽分竹木法

按明會典二十六年定凡龍江大勝港俱設立抽分竹木局及令軍衛自設場分收貯柴薪按月給與禁軍孤老等燒用竹木等物堆垛在場令各局按旬奏申知數遇有用度以憑計料揀定數目度量關填勘合支撥如營造數多抽分不敷奏開給價收買或差人砍辦

成祖末樂元年免蔬果竹木蒲草器物稅

按明會典末樂元年奏准各處小民挑擔蔬菜民間家園池塘采用雜果非與販者及民間常用竹木蒲草器物俱免稅

永樂十三年設抽分竹木局

按明會典永樂六年設通州白河蘆溝通積廣積抽分五局十三年令照例抽分

末樂 年設神木太木二廠

按明會典崇文門外有神木廠舊額發虎賁等十七京衛通州等二十五外衛軍餘一千名在廠工辦逃故食補後止存八百二十一名內上工二百名雜差管事四十一名大木廠借工一百二十名其餘皆辦椿木每名月辦二根以備苦蓋朝陽門外有大木廠與神木廠同 又按會典凡各省採到木植俱於二廠堆放末樂中營建北京宮殿令四川湖廣浙江山西採木

宣宗宣德十年詔各處山場聽民採取定進用菜蔬果品數及頓放地

按明會典宣德十年詔各處山場園林湖池坑冶及花果樹木等項原係民業曾經官府採取見有人看守及禁約者悉聽民採取 又按會典上林苑監宣

德十年止存蕃育嘉蔬良牧林衛四署嘉蔬署原管栽種戶九百分撥栽種蔬菜等地一百一十八頃九十九畝八分四釐八毫後因修築本署土城鵝房占地二十二頃七十畝今見存地九十六頃二十九畝八分四釐八毫每年進宮菜一十三萬七千五百八十三斤箇又送光祿寺青菜二十四萬七千八百斤芥子七石八斗林衛署原管栽種戶一千九百八十三分撥栽種果樹花木等地一百三十八頃一十五畝七分一釐遷民住基地一十頃九十五畝自種地五十一頃四十二畝 又按會典凡日逐進用菜蔬果品宣德十年奏准以荆府遺下空房一所東安門外舊行用庫房一所頓放

英宗正統元年定遠近果木管屬官

按明會典上林苑監凡大典宛平二縣附近果園正統元年令聽本監管屬遠者并外府州縣果木俱令有司自行管屬果品聽其自進

憲宗成化六年通州等處竹木局遣主事給事中御史按月造冊復命

按明會典凡通州等五處抽分竹木局成化六年令每處差主事給事中御史各一員按季更換每月初六日各造冊與本局官同復命

成化七年竹木局遣御史主事巡視提督尋止遣御史官

按明會典成化六年令通州蘆溝橋等處抽分局監察御史一季一換按月造冊具本會同該局官吏御前復命七年令在京抽分竹木局五處仍令原設官攢照例抽分每季差御史一員與主事往來巡視提

督凡通州等五處抽分竹木局每處止差御史一員孝宗弘治四年撥定抽分局管理官

按明會典弘治四年奏准龐村北新安磨石口三廠於蘆溝抽分局官二員內每季輪差一員管理

弘治五年更定進用菜蔬果品頓放地

按明會典凡日逐進用菜蔬果品弘治五年奏准以東安門外保大坊官房一所頓放

弘治十四年踏勘栽種蔬菜果木樹花牧牲草場衙門公廨及住基等地

按明會典凡原撥并續撥栽種蔬菜果木樹花牧牲草場衙門公廨及住基等地弘治十四年踏勘過共四千一百三十四頃八十五畝八分八毫見在地三千九百七十頃五十八畝八分三釐會勘出侵占失迷地一百六十四頃二十六畝九分七釐八毫四至築立封堆一千六百七箇

世宗嘉靖元年定二八抽分法

按明會典嘉靖元年奏准通州抽分竹木局凡商販黃松等木會經具定府九一抽取有印信執照者止用九一抽分通前合為二八其未經具定抽分者仍用二八抽取

嘉靖六年裁白河抽分局官吏

按明會典六年裁白河抽分竹木局官吏軍人撥回原衛所差操例該抽分竹木柴炭磚瓦等項行令廣積抽分竹木局帶管仍聽直隸巡按監察御史督察

嘉靖十年准變賣積木免瓜果蔬菜稅

按明會典嘉靖十年題准蘆溝抽分竹木局堆積木植朽壞每年終本部委官查盤變賣銀兩解部作正

支銷 又按會典令宣課司今後小民發賣瓜果蔬菜毋得抽稅

嘉靖三十六年遣官查探大木

按明會典嘉靖三十六年營建朝門午樓議准材木先儘神木廠次差御史郎中各一員挨查先年沿途遺有大木解用又令川貴湖廣三省採木山西真定採松木浙江徽州採鷹架木

皇清

順治元年置上林苑辦進果蔬

大清會典順治元年置上林苑監正七品衙門設監

丞一員其屬有四署曰蕃育曰良牧曰林衡曰

嘉蔬各設署丞一員 林衡署凡地賦順治元

年原額地二百八十六頃一十六畝七分辦進

上供果品

十五年歸併良牧署

嘉蔬署凡地賦順治元年原額地九十八頃辦

進

上用蔬菜瓜果等物

二年

草木總部彙考二

禮記

月令

孟春之月天氣下降地氣上騰天地和同草木萌動

又

季春之月生氣方盛陽氣發泄勾者畢出萌者盡達

不可以內

注勾屈生者萌直生者不可以內言當施散恩惠以順生氣不宜吝嗇閉藏也

又

又

季秋之月草木黃落乃伐薪為炭

注伐木必因殺氣

又

仲冬之月山林藪澤有能取蔬食田獵禽獸者野虞

教道之

注草木之實為蔬食 山林蔬食榛栗之屬藪澤

蔬食菱芡之屬

素問

六節藏象論

草生五色五色之變不可勝視草生五味五味之美

不可勝極

草者五穀五菜榮及果木而言也蓋天三生木故

先言草木而及於昆蟲萬物也草生五色者其色

為蒼其化為榮其色為赤其化為茂其色為黃其

化為盈其色為白其化為斂其色為黑其化為肅

物極而象變不可勝視也草生五味者其味為酸

其味為苦其味為甘其味為辛其味為鹹以草生

之五味而及於五菜五穀五果五畜之美不可勝極也

山海經

南山經

僕勾之山其下多草木

灌湘之山上多木無草

西山經

諸次之山多木無草

北山經

管涔之山其上無木而多草

東山經

踰隅之山其上多草木

躡音敏

中山經

少室之山百草木成困

汲冢周書

時訓解

雨水後十日草木萌動草木不萌動果蔬不熟

又

霜降又五日草木黃落草木不黃落是為愆陽

管子

地員

地員者土地高下水泉深淺各有其位

夫管仲之匡天下也其施七尺

施者大尺之名也其長七尺

瀆田悉徙

瀆田謂穿溝瀆而溉田悉徙謂其地每年皆須更易也

五種無不宜其立后而手實

謂立君以主之手常握此地之實數也春通瀆田以下屬五施赤墟以下屬四施黃唐以下屬三施斥墟以下屬再施黑墟以下屬一施五土唯五施最爲土厚水深吉土之氣王宜立國都建君而手其實謂土之所入也

其木宜蜺菴與杜松

蜺菴二木名也

其草宜楚棘見是土也命之曰五施五七三十五尺而至於泉

謂其地深五施每施七尺故五七三十五而至於泉也

呼音中角

謂此地號呼之聲其音中角

其水倉其民彊赤墟歷彊肥

歷疎也彊堅也

五種無不宜其麻白其布黃其草宜白茅與蘆其木宜赤棠見是土也命之曰四施四七二十八尺而至於泉呼音中商其水白而甘其民壽黃唐無宜也

唐虛脆也

唯宜黍稷也宜縣澤

常宜縣注而澤

行膚落

土既虛脆不堪版築故爲行膚及籬落也

地潤數毀難以立邑置膚

其地遇潤則數頽毀故不可立邑置膚也

其草宜黍稷與茅其木宜樺擾桑

樺木名擾桑又曰柔桑也

見是土也命之曰三施三七二十一尺而至於泉呼音中宮其泉黃而稊流徙

謂水有稊穠之氣其泉居地中而流故曰流徙也斥墟宜大菽與麥其草宜黃蘗其木宜杞

杞木名也

見是土也命之曰再施二七十四尺而至於泉呼音中羽其泉鹹水流徙黑墟宜稻麥其草宜萍蓂

萍蓂草名

其木宜白棠見是土也命之曰一施七尺而至於泉呼音中徵其水黑而苦

凡聽徵如負猪豕覺而駭凡聽羽如鳴馬在野凡聽宮如牛鳴窮中凡聽商如離羣羊凡聽角如雉登木以鳴音疾以清

續按此言呼以聽土地之音非謂他音皆然

凡將起五音凡首

凡首謂音之總先也

先主一而三之四開以合九九

一而三之即四也以是四開合於五音九也又九

九之爲八十一也

以是生黃鍾小素之首以成宮

素本宮八十一數生黃鍾之宮而爲五音之本

三分而益之以一爲百有八爲徵

黃鍾之數本八十一益以三分之一二十七通前

爲百有八是爲徵之數

不無有三分而去其乘適足以是生商

不無有即有也乘亦三分之一也三分百八而去

一餘七十二是商之數也

有三分而復於其所以是成羽三分七十二而益其一分二十四合爲九十六是羽之數

有三分去其乘適足以是成角三分九十六去其一分餘六十四是角之數

墳延者六施六七四十二尺而至於泉墳延地名下皆此類

陝之芳七施七七四十九尺而至於泉祀陝八施七八五十六尺而至於泉杜陵九施七九六十三尺而至於泉延陵十施七十尺而至於泉環陵十一施七十七尺而至於泉蔓山十二施八十四尺而至於泉

付山十三施九十一尺而至於泉付山白徒十四施九十八尺而至於泉中陵十五施百五尺而至於泉青山十六施百一十二尺而至於泉青龍之所居庚泥

春通庚金剛庚泥泥剛也

不可得泉

庚續其處既有青龍居又沙泥相續故不可得泉也

不可得泉

赤壤勢山十七施百一十九尺而至於泉其下清商

不可得泉

清商神怪之名

不可得泉

陞山白壤十八施百二十六尺而至於泉其下駢石

不可得泉

言有石駢密故不可得泉

徙山十九施百三十三尺而至於泉其下有灰壤不

可得泉高陵土山二十施百四十尺而至於泉山之
上命之曰縣泉

春演自墳自陵至山十四加不得泉已四矣又一

加十四丈而高陵上山反不言無泉何地地經曰

山之吉者地泉鍾於下靈光發於頂故高山之首

多生雲煙降雨澤蓋地為坤山為艮一剛一柔一

高一下其培塿陵丘逸帶者在坤艮之間非氣所

鍾也山上出泉地經曰天池往往鍾靈為吉土今

名山至高多有之其旁其側則其脉氣所落而結

也故天眼石井珠簾瀑布玉乳玉潭龍湫虎跑蛟

飛杖錫或天生或人力或神通其泉多名飲之益

人冬夏常注大旱不竭上頂氣仰而升故得泉淺

傍氣在中側氣在下五泉者山經三穴之法也凡

土與山得水為上相者祇就乾濕視此為進退地

之氣在焉氣合理曰地理

其地不乾其草如茅與走

如茅走皆草名

其木乃楠

楠木名

鑿之二尺乃至於泉山之上命曰復呂其草魚腸與

藉其木乃柳鑿之三尺而至於泉山之上命之曰泉

英其草斬白昌其木乃楊鑿之五尺而至於泉山之

材

材猶旁也

其草就與薔

草名

其木乃格鑿之二七十四尺而至於泉山之側其草

當與薔其木乃品榆鑿之三七二十一尺而至於泉
凡草木之道各有殺造

謂此地生某草宜某穀造成也

或高或下各有草土葉下於薔

葉亦草名唯生葉無莖在薔之下薔即鬱也莊周

所謂鬱西也

薔下於莧莧下於蒲蒲下於葦葦下於藿藿下於薔

薔下於芥芥下於蕭蕭下於薜薜下於荏

荏荏蔚草也一作菰

荏下於茅凡彼草木有十二衰

衰謂草上下相重次也

各有所歸

謂短者生於高者之下

九州之土為九十物每州有常而物有次羣土之長

是唯五粟五粟之物或赤或青或白或黑或黃五粟

五章五粟之狀渟而不朋

朋堅也

剛而不殺

殺薄

不渟車輪

渟泥

不汚手足其種大重細重白莖白秀無不宜也五粟

之土若在陵在山在墳在衍其陰其陽盡宜桐柞莫

不秀長其榆其柳其栗其桑其柘其櫟其槐其楊羣

木蕃滋數大條直以長其澤則多魚牧則宜牛羊其

地其樊俱宜竹箭藻龜檜檀五臭生之薜荔白芷蕪

蕪椒連五臭所校

校謂馨烈之氣

寡疾難老士女皆好其民工巧其泉黃白其人夷姁

夷平也姁好也言均善也

五粟之土乾而不格

格謂堅禦也

湛而不澤無高下葆澤以處

言常潤也

是謂粟土粟土之次曰五沃五沃之物或赤或青或

黃或白或黑五沃五物各有異則五沃之狀剽忒秦

土蟲易全處

剽堅也忒密也秦土謂其土多竅穴若秦多竅故

蟲處之易全

剽剽不白下乃以澤

既堅密故常潤濕而不乾白此乃葆澤之地也

其種大苗細苗菴莖黑秀箭長

菴即赤也箭長謂若竹箭之長

五沃之土若在丘在山在陵在岡若在阪陵之陽其

左其右宜彼羣木桐柞扶櫟及彼白梓其梅其杏其

桃其李其秀生莖起其棘其棠其槐其楊其榆其桑

其杞其枋羣木數大條直以長其陰則生之檜葵其

陽則安樹之五麻若高若下不擇疇所其麻大者如

箭如羣大長以美其細者如藿如蒸欲有與各大者

不類

欲有施與則以麻之大而類也

小者則治揣而藏之若衆練絲

言細麻既治揣而藏故若練絲

五臭疇生

疇隴也謂爲隴而種也

蓮與蘼蕪葉本白芷其澤則多魚牧則宜牛羊其泉
白青其人堅勁寡有疥癩終無瘡醒

瘡首疾也醒酒病也

五沃之土乾而不斥

斥瀉鹵

湛而不澤無高下稼澤以處是謂沃土沃土之次曰
五位五位之物五色雜英各有異章五位之狀不塌
不灰

塌謂堅不相著

青恁以落及

謂色青而細密和落以相及也

其種大韋無細韋無絨莖白秀五位之土若在岡在
陵在墳在衍在丘在山皆宜竹箭求甕

求甕亦竹類也

檜檀其山之淺有籠與斥

籠斥並古草名

羣木安遂條長數大

安和易遂競長數謂速長

其桑其松其杞其茸

茸木名

種木胥容榆桃柳棟羣藥安生薑與桔梗小辛大蒙

大蒙藥名

其山之泉

泉猶顛也

多桔符榆其山之末有箭與苑其山之旁有彼黃虵
及彼白昌山藜葦芒羣藥安聚以囿民殃其林其澆

其槐其棟其柞其穀羣木安遂鳥獸安施

施謂有以爲生

既有麋鹿又且多鹿其泉青黑其人輕直省事少食

言其性廉省事少食

無高下稼澤以處是謂位土位土之次曰五隱五隱
之狀黑土黑落

落地衣也

青怵以肥芬然若灰

芬然壤起貌

其種欄葛絨莖黃秀恚目

恚目謂穀實怒開也

其葉若苑

苑謂蘊結

以蓄殖果木不若三土

三土謂五粟五沃五位

以十分之二

言於三土十分已不如其二分餘倣此

是謂隱土隱土之次曰五壤五壤之狀芬然若澤若
屯土

言其土得澤則墳起爲堆故曰屯土也

其種大水腸細水腸絨莖黃秀以慈忍水旱無不宜
也

忍耐

蓄殖果木不若三土以十分之二是謂壤土壤土之
次曰五浮五浮之狀捍然如米

捍堅貌其土屑碎如米

以葆澤不離不圻其種忍隱

忍隱草名

忍葉如蓬葉以長孤草

草之狀若狐也

黃莖黑莖黑秀其粟大無不宜也蓄殖果木不如三
土以十分之二凡上土三十物種十二物中土曰五

恚五恚之狀廩焉如璫

璫猶璫也春通下有糠以肥此璫與璫同

潤濕以處其種大稷細稷絨莖黃秀慈忍水旱細粟

如麻

其繁美若麻也

蓄殖果木不若三土以十分之三恚土之次曰五繡

五繡之狀疆力剛堅其種大邯鄲細邯鄲

草名

莖葉如扶櫬

扶櫬亦草名

其粟大

言其粒大

蓄殖果木不若三土以十分之三繡土之次曰五璫

五璫之狀芬焉若糠以肥

謂其地色黃而虛

其種大荔細荔青莖黃秀蓄殖果木不若三土以十
分之三璫土之次曰五剽五剽之狀華然如芬以脈

謂其地色青紫若脈然也

其種大柎細柎

柎黑黍

黑莖青秀蓄殖果木不若三土以十分之四剽土之
次曰五沙五沙之狀粟焉如屑塵厲

厲

厲

言其地粟碎故若屑塵之厲厲踊起也
其種大莢細莢

葦草名

白堊清秀以蔓蕃殖果木不如三土以十分之四沙土之次曰五塌五塌之狀累累如僕累

僕附也言其地附著而重累也

不忍水旱其種大櫟杞細櫟杞

木名

黑莖黑秀蓄苑果木不如三王以十分之四凡中土三十物種二十物下土曰五猶五猶之狀如糞其種大華細華

草名

白莖黑秀蓄廐果木不如三土以十分之五猶土之次曰五壯五壯之狀如鼠肝其種青梁黑莖黑秀蓄廐果木不如三土以十分之五壯土之次曰五廐五廐之狀甚澤以疏離圻以曜塋其種鴈膳黑實朱附黃實

鴈膳草名跗花足也

蓄殖果木不如三土以十分之六五殖之次曰五穀
五穀之狀婁婁然

叟叟疏也

不忍水旱其種大菽細菽多白實蓄廩果木不如三
土以十分之六穀土之次曰五臈五臈之狀堅而不
豁

雖堅不同骨之骼也

其種陵稻

陵稻謂陸生稻

黑鵝馬夫

皆草名也

蓄殖果木不如三土以十分之七。龜土之次曰五桠。五桠之狀甚鹹以苦其物爲下。其種白稻長狹。謂稻之形長而狹也。


蓄殖果木不如三土以十分之七凡下土三十物其種十二物凡土物九十其種三十六

朱長春評不攬天官不知天之變也不讀地員山經不知地之變也不知其變不知其大山經簡而穆志怪於夷上古之文也地員博而奇衍夷爲怪中古之文也雖然其非管氏書耶管子東表之人也仕不歷數國位不徧九服車不通於五方四瀆譯不至於九重八荒以手實七尺而二十施五山十一草九州三土九十物臚列而標命之晰如也得毋通天地人曰儒三代之上春秋之間必有廣輿辨土定方之家自有一種物宜地利之書以教民樹藝而安居其餘耶秦不火者樹種之書後世最淺近有田家五行與小正並行而圖經本草穀木花果譜各亦有別傳則古之地職由來久矣神禹聖童八年四載以奠九州其志於貢者經於山海者外傳於其經傳所不盡或又從而收志之則地員又山經之支疏也乎哉非此一神一聖隨刊濬封涉歷胼胝從其施尺以載所見分所員後世更誰有足迹徧天下者又安條其土泉草木縷縷而眉列之則夢與其傳說窺言與先王之制司空執度度地居民山川沮澤時四時其大略余未有如此詳者周禮冬官缺此地員諸篇凡言水土可

爲外補

朱長春又評自六施至二十而首自五施及至一施土之善維五得氣不及已淺過已深然五土合五音民之常居也故同命土無別名墳延以下則有名以土合音以音候土以人音合樂音故五施之後先敘叶五聽歸本五音然後順次十五變則略矣攬者以陸離錯雜曰文奇不奇故無奇理合爾爾

柳宿圖



史記

天官書

柳爲鳥注主水草

索隱曰按漢書天文志注作喙爾雅云鳥喙謂之柳孫炎云喙朱鳥之口柳其星聚也以注爲柳星故主草木也 正義曰喙丁救反一作注柳八星七星張六星爲犒火於辰在午皆周之分野柳爲朱鳥昧天之廚宰主尚食和滋味占以順明爲吉金火守之國兵大起

揚雄方言

雜釋草木

凡草生而初達謂之莠穉年小也木細枝謂之杪江淮陳楚之間謂之篋青齊兗冀之間謂之萋燕之北鄙朝鮮洺水之間謂之策故傳曰慈母之怒子也雖折萋答之其惠存焉

蘇芥草也江淮南楚之間曰蘇自關而西或曰草或曰芥南楚江湖之間謂之芥

漢書曰樵蘇而爨蘇猶蘆語轉也或言菜也

凡草木刺人北燕朝鮮之間謂之策或謂之壯自關而東或謂之梗或謂之刺自關而西謂之刺江湖之間謂之棘

爾雅曰策刺也今淮南人亦呼壯壯傷也山海經謂刺爲傷也梗今云梗榆刺者傷割人名音鱗魚也棘楚詞曰會枝刺棘亦通語耳

凡飲藥傳藥而毒南楚之外謂之痢北燕朝鮮之間謂之癆東齊海岱之間謂之眠或謂之眩自關而西謂之毒痢痛也

癆痢皆辛螫也眠眩亦今通語耳

茅杜根也東齊曰杜或曰茅

今俗名非根爲茅詩曰徹彼桑杜是也

唐郭橐駝種樹書

木

凡木皆有雌雄雄者多不實可鑿作方寸穴取雌木填之乃實凡木擣麻餅雜糞灰壅之則枝葉茂冬青樹凋瘁以猪糞壅之則茂一說猪溺灌之凡木早晚以水沃其上以唧筒唧水其上

移樹木用穀調泥漿水於根下日沃之再無有不活者

插杉枝用驚蟄前後五日斬新枝鋤開根入枝下泥杵緊視天陰則插插了遇雨十分無雨即有分數草木羊食者不長

栽松時去松中大根唯留四旁鬚根則無不偃蓋一年之計種之以竹十年之計種之以木

凡移樹不要傷根鬚須闊梁不可去土恐傷根諺云移樹無時莫教樹知

松必用春後社前帶土栽培百株百活舍此時決無生理也

春分後勿種松秋分後方宜種不獨松爲然

種松法大槩與竹同只要根實不令動搖自然活今移樹者以小牌記取南枝不若先鑿窟沃水澆泥方栽築令實不可踏仍多以木扶之恐風搖動其顛則根搖雖尺許之木亦不活根不搖雖大可活更莖上無使枝葉繁則不招風

種一切樹大枝向南栽亦向南

凡樹要移當三年一樹得拙而枯然未可一槩論若以桂爲丁在下釘則枯在上禮則茂此條內恐有誤字

順插爲柳倒插爲楊

木自南而北多枯寒而不枯只於臘月去根旁土麥穰厚覆之燃火深培如故則不過一二年皆結實若歲用此法則南北不殊猶人炷艾耳

種木無時戴毛蟲於根下皮以甘草末擦之亦佳

種水楊須先用木椿釘穴方入楊庶不損皮易長臘月二十四日種楊樹不生蟲

斫松樹五更初斫倒便削去皮則無白蠹猶須擇血忌日以斧敲之云今日血忌則白蠹自出

黃梔子候其大時摘青者曬收至黃熟則能消化水可免百蟲食葉之患

貧婆樹冬花夏子

種柳取青嫩枝條如臂大長六七尺燒下二三寸埋二尺以上

種青桐九月收子二三月作畦種之治畦下水

桑

種桑取甚于水淘淨暴乾熟耕地畦種

穀樹上接桑其葉肥大桑上接梨脆美而甘撒子種桑不若壓條而分根莖

雞脚桑葉花而薄得蘭薄而絲少

白桑葉大如掌而厚得蘭厚而堅絲每倍常桑葉生黃衣而皺者號曰金桑非特蠶不食而木亦將槁腐矣

先甚而後葉者葉必少

浙間植桑斬其葉而植之謂之嫁桑却以螺殼覆其頂恐梅雨侵損其皮故也二年即盛

常以三月三日雨上桑葉之貴賤諺云雨打石頭偏桑葉三錢片或曰四日尤甚杭州人云三日尚可四日殺我言四日雨尤貴

午日不得鋤桑園

有柘蠶食柘而早繭

葉濕不可飼蠶雨中採至必拭令乾恐有傷也

竹

冬至前後各半月不可種植蓋天地閉塞而成冬種之必死

種時斬去梢仍爲架扶之使根不搖易活又法三兩竿作一本移蓋其根自相持則尤易活也或云不須斬梢只作兩重架尤妙

種竹處當積土令稍高於傍地二三尺則雨潦不侵損錢唐人謂之竹脚

竹有花輒槁死結實如稗謂之竹米一竿如此則久之滿林皆然其治法於初米時擇一竿稍大者截去近根三尺許通其節以糞之則止

竹林中有樹切勿去之蓋竹爲樹枝所礙雖風雪不復欹斜筍竹根多穿害堦砌惟聚皂莢刺埋土中障之根則不過栽油麻其尤妙

凡種竹正二月刷取西南根於東北角種其鞭自然行西南蓋竹性向西南行也諺云東家種竹西家種地若得死貓埋其下其竹尤盛種竹有醉日即五月十三日也

種竹若用鋤頭打實土則筍生遲

種竹不去條則林外向陽者三二年間便有大竹諺云栽竹無時雨過便移多留宿土切記南枝如要年間年不出笋用本命日於正月一日二月二日也

又云種竹須闊掘溝用薯蕷和泥抱根然後用淨土傳其上或鋪少大麥於其中令竹根著麥上以土蓋之其根易行

志林云竹有雌雄雌者多笋故種竹半擇雌者物不逃於陰陽可不信歟凡欲識雌雄當自根上第一枝

觀之雙枝是雌即出笋若獨枝者是雄

種竹法擇大竹就根上去三四寸許截斷之去其上不用只以竹根截處打通節實以疏黃末顛倒種之第一年生一竹隨即去之次年亦去之至第三年生竹其大如所種者

種竹用舊茅茨夾土則竹根尋地脉而生竹有六十年數便生花

竹以三伏內及臘月砍者不蛀

竹畱三去四蓋三年畱四年者伐去

月菴種竹法先鋤其地深三尺闊一尺五寸將馬糞乾者和細泥并土填一尺高令人於其上踏熟或無馬糞以薯蕷代之夏月令稀冬月令稠然後種竹須三四莖作一叢者淺栽爲佳上多用河泥蓋之斫去竹梢裝架地廣宜種筍竹亭檻間宜種筋竹至次年八月方可去籬竹

竹與菊根皆長向上添泥覆之爲佳

又七月間移竹無不活者

栗採時要得披殘明年其枝葉益茂

桃樹接李枝則紅而甘

桃實自乾不落者名桃景

柿樹接桃枝則爲金桃

南方柑橘雖多然亦畏霜不甚收惟洞庭霜雖多無所損橘最佳歲收不耗正謂此焉以死鼠浸溺缸內候鼠浮取埋橘樹根下次年必盛涅槃經云如橘得鼠其果子多

柑樹爲蟲所食取螻蟻於其上則蟲自去

桃李銀杏栽帶子向上者個個生向下者少

葡萄欲其肉實當栽於棗樹之旁於春鑽棗樹上作窟子引葡萄枝入窟中透出至二三年其枝既長大塞滿樹窟便可斬去葡萄根托棗根以生便得肉實如棗北地皆如此法種

銀杏樹有雌雄雄者有三稜雌者有二稜合二者種之或在池邊能結子而茂蓋臨池照影亦生也

果樹有蠹出者以茺花納孔中即死或納百部葉鑿果樹納少鍾乳粉則子多且美又樹老以鍾乳末和泥於根上揭去皮抹之復茂

凡接矮果及花用好黃泥曬乾篩過以小便浸之又曬乾篩過再浸之凡十餘度以泥封樹皮用竹筒破兩半根裏之則根立生次年斷其皮截根栽之

桑上接梅則不酸

桑上接梨則脆而甘美

果實異常者根下必有毒蛇切不可食

果木有蟲蠹處以杉木削小丁塞之其蟲立死生人髮挂樹上鳥不敢食其實

接樹須取向南隔下者接之則著子多

凡種樹宜在望前在望後少實

花果樹如曾經孝子及孕婦手折則數年不著花或不甚結子

果子先被人盜喫一枚飛禽便來喫

凡果木未全熟時摘若熟了即抽過筋脉來歲必不盛

果實凡經數次接者核小但其核不可種耳河陰石榴名三十八者其中只有三十八粒子

橄欖將熟以竹釘釘之或納少許鹽於皮下其實盡落

柿子接及三次則全無核

桃樹過春以刀疎斫之則穰出而不蛀

桃實太繁則多墜以刀橫斫其幹數下乃止社日令人椿桃樹下則結實牢

凡果不牢者宜社日椿其根

三月上旬斫取果木好直枝如大姆指大長五寸許納芋魁中種之或大蔓菁根亦可用勝種核者種核

三四年乃如此大耳

桃李蛀者以養猪頭汁冷澆之即不蛀

桃者五行之精制百鬼謂之仙木

凡果實初熟用雙手摘則年年生果見麝香熏則花不結子種甘蔗必用猪毛和土長梅樹接桃則脆桃樹接杏則大

桃熟時牆面暖處寬深為坑收濕牛糞納坑中收好桃核十數枚尖頭向上坑中糞土蓋厚一尺深春芽生和土移種之

果樹生小青蟲蚱蜢盼挂樹自無訂音精

凡樹木當元日日未出時以斧斑駁椎接棗李等樹謂之嫁樹

種石榴取直枝如姆指大斬一尺長八九條共為一科燒二頭二寸作坑深一尺條口徑一尺豎枝坑畔圍布令勻置枯骨姜石於枝間下土令實一重骨石一重土出枝頭一寸水澆即生又以骨石置枝間即茂杏熟間時合內納糞中至春既生則移栽實地既移不得便移

凡移大梅樹去其枝梢大其根盤沃以溝泥無不活者

生龍眼沸湯內焯過食之不動脾

柿子尚生熟之即熟

凡果須候肉爛和核種之否則不類其種

柑橘橙等於根棘上接者易活

林檎蛀以鐵線尋竅內鑽刺用百部杉木釘塞之如生毛蟲以魚腥水潑根活埋蠶蛾於地下

穀麥

凡種五穀用成收滿平定日為佳小豆忌卯稻麻忌辰禾忌丙黍忌丑秫忌寅未小麥忌戌大麥忌子大豆忌申凡九穀不避忌日種之多傷敗

種諸豆子油麻大麻等若不及時去草必為草所害耗雖結實亦不多諺云麻耘地豆耘花麻須初生時耘豆雖開花亦可耘

種菜豆地宜瘦

臘月種麥及豆來年必熟麥苗盛時須使人縱牧於其間令稍實則其收倍多麥屬陽故宜乾原稻屬陰故宜水澤

小麥不過冬大麥不過年

麥最宜雪諺云冬無雪麥不結

種麥之法土欲細溝欲深耙欲輕撒欲勻曬麥之法宜烈日之中乘熱而收仍用蒼耳葉或麻葉碎雜其中則免化蛾

菜

茄子開花時取葉布過路以灰圍之結子加倍謂之嫁茄

種香菜常以洗魚水澆之則香而茂

種茄子時初見根處簾開納硫一星以泥培之結子倍多其大如盞味甘而益人

菠薐過月朔乃生今月初一二間種與二十七八間種者皆過來月初一乃生驗之信然蓋菠薐國菜生菜種之不拘時纔盡即下種亦便出諺云生菜不離園以不時而出也

香菜與土龍脰不得用糞澆澆則不香只以溝泥水米泔汁澆之佳

茭白根逐年移動生者不灰

甜瓜生者以煮魚骨插頂上則蒂落而易熟

冬瓜正月晦日傍牆區種之圓三寸深五寸著糞種之

種韭之畦欲深下水和糞初歲惟一剪每剪即加糞惟深其畦為容糞也

茄著五葉因雨栽之

種蘿蔔宜沙墻地五月犁五六遍六月六日種鋤不厭多稠即少種

種芋根欲深斫其葉以覆其上旱則澆之有草鋤去之

種枸杞法秋冬開收子於水盆中按取曝乾春熟地作畦畦中去五寸土勾作壟壟中縛草稭如臂長與壟等即以泥塗草稭上以枸杞子布於泥上以細土蓋令遍又以爛牛糞一重又以土一重令畦平待苗出水澆堪喫便剪

又法枸杞可以插種

花

凡接牡丹須令人看視之如一接活者遂歲有花如初接不活削去再接只當年有花牡丹花上穴如針孔乃蟲所藏處花工謂之氣倉以大針點疏黃末針之蟲乃死或以百部草塞之牡丹千葉者蜀人號為京花謂洛陽種也單葉者只號為川花又曰山丹又曰山花

菜園中間種牡丹芍藥最茂

牡丹芍藥不可置木棚中不耐久須要避風處

海棠花欲其鮮而盛於冬至日早以糖水澆根下

立春若是子日於茄根上接牡丹花不出一月即爛

初春掘藕節藕頭著泥中種之當年開花

以蓮苗投甃瓮中經年移種發碧花

種蓮須先以羊糞壤地於立夏前兩三日種當年便

著花又法用五月二十日移深種蓮柄長者以竹杖

挾之無不活者

種藕以酒糟塗之則盛

月桂花葉常若蟲食者以魚腥水澆之乃止

李贊皇花木記云凡草木以海為名者悉從海外來

如海棠之類是也

瑞香花惡濕日不得頻沃以水宜用小便可殺蚯蚓

或從花脚澆之則葉綠又用梳頭垢膩根上有日色

即覆之

雞糞壅茉莉則盛壅百合則甚滋生

用燂猪湯澆茉莉素馨花則肥

催花法用馬糞浸水前一日澆之三四日方開者次日盡開

木犀接石榴開花必紅

花木接者移種須令接頭在土外

灌漑花木各自不同木犀當用猪糞瑞香當用燂猪

湯葡萄當用米泔水肉汁尤妙花木有不宜用糞穢

者甚多尤宜審問用之非其宜立稿

園圃中四旁宜種決明草則她不敢入

凡接花木雖已接活內有脂力未全包生接頭處切

要愛護如梅雨浸其皮必不活

濯洗布衣灰汁澆瑞香必能去蚯蚓且肥花以瑞香

根楷灰汁則蚯蚓不食而灰垢又自肥也

芙蓉未開隔夜以靛水調紙蘸花蕊上以紙裹蕊口

花開成碧色花五色皆可染

黃白二菊各拔去一邊皮用麻皮扎合其花半黃白

色

棘能辟霜花果以棘園中即茂

驚粟九月九日及中秋夜種之花必大子必滿

凡種花木須冬至後立春前斫直接有鶴膝如大脚

指者長二尺許扎于芋魁中掘令寬調泥漿細切生

葱一束攪於泥中以細土覆之勿令實當有花次年

結實

牡丹著蕊如彈子大時試捻十朵中必有二三朵不

實者去之庶不奪他花力

凡種好花木其旁須種葱薤之類庶免麝香觸也

種花藥處栽數株蒜遇麝香則不損

種蘭蔥忌酒水

凡種花欲得花多須用肥土秋冬間壅根春來著花

自然盛以猪糞和土令發熱為肥土木犀葉有齒如

鋸其紋亦蠶澀者乃香有一等葉光澤者殊無香也

又有一等花極白者亦無香蘭亦如之

冬間花瓶多凍破以爐灰置瓶中則不凍或用硫黃

置瓶內亦得

芍藥牡丹摘下燒其柄插瓶中後用其柄以蠟封之

尤妙

苦棟樹上接梅花則成墨梅

海棠候花謝結子剪去來年花盛無葉

凡花木有直根一條謂之命根趁小栽時便盤了或

以磚石承之勿令生下則他日易移

凡花皆宜春種惟牡丹宜秋社前後種接

種水仙詩訣云六月不在土七月不在房栽向東籬

下花開朵香

范成大桂海草木志

異草瑰木多生窮山荒野其不中醫和匠石者人

亦不采故余所識者少惟竹品乃多築異併附于

錄

桂南方奇木上葉也桂林以桂各地實不產而出於

賓宜州凡木葉心皆一縱理獨桂有兩紋形如圭製

字者意或出此葉味辛甘與皮無別而加芳美人喜

咀嚼之

榕易生之木又易高大可覆數畝者甚多根出半身

附幹而下以入土故有榕木倒生根之語禽鳥銜其

子寄生他木上便蔚茂根下至地得土氣久則過其

所寄

沙木與杉同類尤高大葉尖成叢穗少與杉異

枕榔木身直如杉又如椶櫚有節似大竹一幹挺上

高數丈開花數十穗綠色

思偶木生兩江州洞堅實漬鹽水中百年不腐
臘脂木堅緻色如臘脂可鑲作器出融州及州洞桂
林屬縣亦有之

雞桐葉如棟其葉煮湯療足膝疾

龍骨木色翠青狀如枯骨

風膏藥葉如冬青治太陽疼頭目昏眩

南漆如稀餡氣如松脂露霑無力

蕩竹葉大且密略如蘆葦

澀竹膚粗澀如木工所用砂紙可以錯磨爪甲

人面竹節密而凸宛如人面人採為拄杖

釣絲竹類蕩竹枝極柔弱

斑竹中有疊疊江浙間斑竹直一淚痕無暈也

貓頭竹質性類筍竹

桃枝竹多生石上葉如小櫻櫚人以大者為杖

芳竹刺竹也芒棘森然

箭竹山中悉有

宿根茄茄本不凋明年結實

銅鼓草其實如爪瘰癧瘍毒

大蒿容梧道中久無霜雪處年深滋長大者可作屋

柱小亦中肩輿之扛

石髮出海上纖長如絲縷

匾菜細如荇蒂匾如薤葉長一二尺

都管草一莖六葉辟蜈蚣蛇

花藤鑲以為器用中有花紋

胡蔓藤毒草也採其草漬之水入口即死

蔡元度毛詩名物解

草木總解

飽可食葉苦不可食葑也菲也不能常美人之所不
能常善者也荼苦也有曰如薺有曰如茶皆甚美而
為之辭也菽微而采之有以負之筐方之筐者會諸
侯以禮數者也匏葉以為菹微者也兔首以為菹薄
甚也而禮不以微薄廢者也甘瓠纍纍而上行成美
之實也瓠瓜之小者也而綿綿能大者文王紹太王
而興者也瓜在疆場無曠土者也華也蒿也芩也鹿
之食也而芩不若蒿之大而蒿不若芩之美禮有加
也我蒿之細則難辨者也我蔚之大則易辨者也蓼
莪之思彌深而易辨者猶難辨也采芩之菜也方其
始則采於新田以新田為不足而及於舊畝也世未
嘗無士也亦新美其材而拔取之若舊畝之芩可也
有芩之草也物之微也豐水東注言其順物之理乃
能立法也故曰皇王維辟也豐水有芩言其順物之
理乃能貽謀也故曰以燕翼子也草木有待於霜而
成者蒹葭蒼蒼漸至於采采尤待霜而成者也國待
禮而後固也葭蒹揭揭亂也葭也蓬也始而生則寬
田時也葛也藟也滂滂潤之而後蕃也滂也藟也葛
藟纏而後固者也王室艱難不可以相無者也始河
之許中河之涘卒河之潯地之愈危彌不可無葛藟
之纏固也葛藟繁於樛木則衆爰附后妃之仁而進
此逮下者也葛藟施於條枚而子孫緣先祖之功而
起此受祖者也葛藟松柏而生者也蘿縈松柏而生
者也葛蘿同姓也松柏王室也同其存亡者也卒曰
松上則引之彌高者也葛楚材之柔不能自立而可
扶掖以成其枝華也人有不能以欲故也子之無家

無知無室豈有樂之者疾其人之欲故也芄蘭柔而
蔓依以自立者也人不能者以驕故也佩觸雖文而
不我知無知人之道也佩韓雖武而不我甲無長人
之德者也知人君德也山有扶蘇也喬松也隱有荷
華也游龍也上下各得其宜而忽之所美乃非美者
也子都容之美也子充德之美也茹蘆色之可染者
也以禮則平易故曰東門之墀墀者男子之所以行
禮也下言東門之栗栗者女子之所以行禮也棠棣
之華桃之華薔之華凡以喻色也棠棣之華華如桃
李華而實者也桃華而實有養家室之所以成德也
實而養家室人之所以庇庇之失道也薔朝華而暮
隕非可恃者也此喻物之無助者也凡木曰華草曰
榮榮而無實為英薔先曰華而後曰英喻無實也木
生仁者也林為君者也積仁以能蔽者也樛木屈而
下垂而葛藟得以纍甘瓠得以纍者仁之下屈者也
棠棣華所覆者鄂鄂所承者華而華然天性也兄
弟相友亦天性也林杜木大而特生尚有葉以蔽者
也而林杜有以刺獨居而無兄弟者也有以刺不求
賢以自輔者有以敘征夫之情而自傷者甘棠勿剪
至於勿伐愛之至也然甘棠者教也惟其教之明是
以愛之至若夫化則化有所至而愛有所忘者也梅
先衆木而花實者也梅先時則男女不可以不及時
者也萼於楚則微而猶可刈者微者亦成材也樛櫟
於林猶免陵賤者禮所以自防而不可以微賤薄廢
者也棘堅而木之難長養者棘心至於棘薪則長養
劬勞而後成者也榛所以養也荅所以治也養譬則
德也治譬則能也德在乎上故曰山有榛也職在乎